



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Simeon Salvs Conf. 1. Iulij.

urn:nbn:de:hbz:466:1-42032

S. SIMEON SALVS CONF. 1. Iulij

Quisquis vestium splendorem queris, cum
SIMEONE, si oculos habes, videbis; si ani-
 mum, etiam indues. Nempe cœnobium ingresso
 cùm adolescentulus nuper religiosâ veste indutus
 occurrisset, vidit cœlestem inter comitarum mul-
 to lumine insignem & Angelico habitu regiaque
 coronâ exornatum incedere. Quare eandē digni-
 tatem cum **IOANNE** fratre tam diu ambivit, dum
 uterque est positus. Sed & Philosophum videbis
 in uno **SIMEONE** geminum; Heraclitum inquam
 & Democritum, sed Christianum. Nemo alius
 tam doctè aut flendo risit, aut ridendo deflevit
 mundi insaniam. Nempe Emesam urbem ingres-
 sus mortuumque canem fune trahens omnes pue-
 ros post se, mox omnem civitatem traxit, fuitque
 Sapientiæ Magistro risus, plausus; convicia &
 verbera, merces, & ingens quidem nihil aliud que-
 renti. Interea risum comitata sunt compluria mi-
 racula. dæmones mali alapâ pulsî, cantu proscripti;
 carbones sive in pallio, sive in manu, innoxii splen-
 dorem virtutis prodidere. oculi sinapi, aceto, al-
 lioque curati, hæretici & in fames mulierculæ sa-
 pere à Stulto docti, qui scilicet jam oracula etiam
 dabat. Et fuit cum flagello urbis columnas ali-
 quam multas castigavit, illud addens: *State: saltan-*
dum vobis est. & ecce saltarunt illæ terrâ movente,
 sed steterunt cadentibus aliis. Pueros alio tempo-
 re quam plurimos perbenignè salutans in ludo
 supplicavit pro his Magistro, ne cæderentur, quod
 longum illis iter instaret. Et hoc eis nimirum mors
 indixit paulò post per urbem grassata. **SIMEONIS.**
 quo-

quoque funus cū pauculi homines curarent, ad-
fuerunt Angeli, & lessum an epiniciū? cantarunt
totius orbis Mimo. Sur.

*Per Christum sensibus invocatus abjectā seculi
hujus figurā, formam tuam in formam sui reducit
Salvatoris, ut novitas sensuum tuorum in suis
actibus elucescat. Et celestis homo celesti habitu,
jam gradiatur in terrā. S. Pet. Chrysol. serm. 120.*

VISITATIO B. MARIE V. 2. Julij.

REDIBAT in astra Numinis ad MARIAM lega-
tus, quem venturum terris nuntiaverat, cælo
venisse nuntiaturus. At VIRGO DEO jam plena vi-
sendi ad cognatam Elisabetham studio in viam se
dedit. Hanc monstravit, qui sub utero ivit comes,
ingens MATRI, sed dulcis sarcina. Hic vix labo-
rem temperabat, hic properantibus pedibus alas
addebat, ut expeditior nunquam iverit MARIA,
quā sic onerata. Iam sub aspectum mutuum ve-
nerant geminæ cognatæ, jam in amoris vincula
brachia coiverant, cum gaudio gestiens in Elisa-
betha infans VERBUM in utero latens ex utero pro-
didit, jam tum vox clamantis. Tunc novo prodigi-
o virginitas sterilitati, & sterilitas virginitati
fecunditatem est gratulata: tunc, quas texere
Angelus cœperat MARIM laudes, pertexere Elisa-
betha, Domini Matrem salutare, quæ Ancilla ve-
nerat, super omnes illam mulieres efferre, ipsum
cum primis laudibus in cælum tam sancti uteri ho-
spitem tollere. Itaque oraculis domus personare,
VIRGO lætitiā etiam ipsa exultans, quo DEVM
magnificaret, canere carmen, cui omnem palmam
vates concedent. Certè ut Superi delicatè sint
(quip-